

Þjónustugjaldskrá Grindavíkurhafnar 2018

I. Almenn ákvæði

1. gr.

Gjaldskrá þessi fyrir Grindavíkurhöfn er sett skv. heimild í 17. grein hafnalaga nr. 61/2003, sbr. bráðabirgðaákvæði nr. 1.

Gjaldskráin er við það miðuð að Grindavíkurhöfn geti haft nægar tekjur til þess að standa undir rekstri hafnar sbr. 5. tölulíð 3. gr. hafnalaga.

II. Um gjaldtöku tengdri stærð skipa

2. gr.

Við ákvörðun hafnagjalda samkvæmt stærð skipa skal miða við brúttótonnatölu skipa samkvæmt alþjóðlegu mælibréfi, sem gefið er út eftir ákvæðum alþjóðasamþykktarinnar um mælingu skipa frá 1969.

3. gr.

Af öllum skipum skal greiða hafnagjöld til hafnarsjóðs ef þau koma inn fyrir takmörk hafnarinnar og njóta þjónustu hennar.

III. Skipagjöld

4. gr.

Lestagjöld

Af öllum skipum skal greiða lestargjald, kr. 15 á mælieiningu skv. 2. gr. en þó ekki oftar en tvisvar í mánuði.

Undanþegin greiðslu lestargjalds eru herskip, varðskip og skip sem gerð eru út til vísindalegra rannsókna, svo og skip sem leita hafnar vegna sjóskaða eða til að láta í land sjúka menn eða látna, svo fremi að þau fái ekki aðra þjónustu.

Bryggjugjöld

Af öllum skipum sem leggjast við bryggju eða hafnarbakka skal greiða kr. 8 á mælieiningu skv. 2. gr. fyrir hverja byrjaða 24 tíma sem skipið liggur bundið við bryggju. Heimilt er að taka lesta- og bryggjugjald af fiskiskipum og minni bátum, sem mánaðargjald, kr. 96 á mælieiningu fyrir báta 21-50 BT, þó aldrei lægra en kr. 13.000 á mánuði. Bátar minni en 20 BT greiði þó aldrei lægra en kr. 6.800 á mánuði, og lágmark kr. 330 daggjald í 20 daga.

Gjald fyrir einkalegu við flotbryggju er kr. 13.000 á mánuði.

IV. Vörugjöld

5. gr.

Vörugjald skal greiða af öllum vörum sem fluttar eru af skipsfjöllum á land eða úr landi á skipsfjöllum, eða úr einu skipi í annað, innan takmarka hafnarinnar, þó með þeim undantekningum er síðar getur.

6. gr.

Fyrir vörur sem samkvæmt farmskrá skips eru ákveðnar til annarrar hafnar, innlendrar eða erlendrar, en eru láttnar á land um stundarsakir, skal aðeins greitt vörugjald þegar vörurnar eru fluttar í land.

Undanþegnar þessu gjaldi eru vörur sem láttnar eru á land um stundarsakir vegna skemmda á skipi.

7. gr.

Af vörum sem fluttar eru á skip og fara eiga til annarra hafna innanlands greiðist hálfvörugjald.

Af vörum sem fara eiga til útlanda en umskipað er í innlendri höfn skal greiða fullt vörugjald í fyrstu lestunarhöfn.

8. gr.

Þessar vörur eru algjörlega undanþegnar vörugjaldi:

- a. Umbúðir sem endursendar eru.
- b. Kol, olía, vistir og aðrar nauðsynjar skipa til eigin notkunar.
- c. Almennar póstsendingar og farangur ferðamanna.
- d. Úrgangur sem fluttur er til eyðingar.

9. gr.

Vörugjald skal reikna eftir þyngd eða verðmæti, með umbúðum og af hverri sendingu sérstaklega. Fara skal eftir farmskrá skipa við útreikning vörugjalds. Skipstjóra eða afgreiðslumanni skips er skylt að láta gjaldkera hafnarinnar í té afrit af farmskrá. Sé engri farmskrá til að dreifa skal skipstjóri gefa drengskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp er gefið greiðir farmeigandi kostnaðinn. Séu fleiri en ein vörutegund í sendingu ósundurliðað skal reikna vörugjaldið eftir þeirri tegund sem hæst gjald skal greiða af.

10. gr.

Vörur skal flokka til vörugjalds eftir því sem vörugjaldskrá tiltekur og gjaldið greiðist eins og þar segir:

1. fl.: Gjald kr. 340 pr. tonn:
Bensín, brennsluólfur, kol, laust korn, salt, vikur, kísilgúr, þörungamjöl, sement, áburður og úrgangur sem fluttur er til endurvinnslu.
2. fl.: Gjald kr. 578 pr. tonn:
Lýsi og fiskimjöl.
3. fl.: Gjald kr. 624 pr. tonn:
Þungavarningur, svo sem sekkjavörur, óunnið járn og stál, útgerðarvörur, smurningsolíur, sjávarafurðir, landbúnaðarafurðir, hráefni til iðnaðar og byggingaframkvæmda, pökkuð og niðursoðin matvæli, óáfengar drykkjarvörur og ávextir.
- 4.fl.: Gjald kr. 1.600 pr. tonn:
Aðrar vörur en tilgreindar eru í 1-3 fl.
5. fl.: Gjald 1,6%:
Sjávarafli lagður á land eða í skip á hafnarsvæðinu til vinnslu eða brottflutnings, þ.m.t. fiskur og seiði úr eldiskvíum. Gjaldið reiknast af heildarverðmæti aflans. Gjald af frystum afla frystitogara og eldisfiski reiknast af helmingi heildarverðmætis.
Gjald af saltfiski reiknast miðað við tvöfalda þyngd og gjald af gámafiski reiknast af áætluðu heildarverði. Kaupanda aflans ber að afhenda hafnarstjóra skýrslu um keyptan afla mánaðarlega, t.d. afrit af aflaskýrslu til Fiskistofu. Við sölu afla til skyldra aðila samkv. 3. mgr. 9. greinar laga nr. 13/1998 um Verðlagsstofu skiptaverðs úrskurðarnefnd sjómanna og útvegsmanna skal að lágmarki miðað við skiptaverð Verðlagsstofu skiptaverðs. Aflagjaldið fellur í gjalddaga um leið og afla er landað. Kaupandi aflans innheimtir gjaldið hjá seljanda og er ábyrgur fyrir því til hafnarsjóðs þótt hann vanræki innheimtu þess. Standa ber skil á greiðslu aflagjalds eigi sjaldnar en mánaðarlega.

V. Farþegagjald

11. gr.

Farþegagjald skal tekið við komu og brottför farþega um Grindavíkurhöfn.

Farþegagjald fyrir hvern fullorðinn með farþegabátum kr. 150.

Farþegagjald fyrir hvert barn með farþegabátum kr. 75.

Farþegabátar skulu skila skýrslu um fjölda farþega einu sinni í mánuði.

VI. Lóðagjöld og lóðarleiga

12. gr.

Almenn regla:

Lóðagjöld eru kr. 10.000 á m² auk virðisaukaskatts. Lóðargjald miðast við staðsetningu og stærð lóðarinnar. Lóðargjaldið er bundið byggingarvísitölu og hækkar mánaðarlega í samræmi við hana. Grunnvísitala til útreiknings er byggingarvísitala í janúar 2017 (130,2 stig). Lóðarleiga skal vera 2% af lóðarmati hverrar lóðar.

Frávik frá reglu þessari byggist á sérstöku samkomulagi við stærstu lóðarhafa.

VII. Móttaka skipa

13. gr.

Hafnsögugjöld skulu greidd samkvæmt eftirfarandi gjaldskrá:

- a) Fyrir leiðsögu til hafnarinnar skal greiða kr. 10.000 fyrir hvert skip, auk 7,25 kr. fyrir hvert brúttótonn. Fyrir leiðsögu úr höfninni greiðist sama gjald.
- b) Fyrir leiðsögu um höfnina skal greiða hálf gjald samkvæmt lið a.
- c) Fyrir hverja komu flutningaskips sem fellur undir hafnarvernd skal greiða kr. 50.000 í öryggisgjald.

Starfsmenn hafnarinnar eða aðrir menn sem höfnin leggur til að standa hliðvörð við skip meðan á afgreiðslu stendur og skal innheimt gjald hjá útgerð skipsins sem nemur kr. 6.000 fyrir hverja klukkustund.

Tímakaup hliðvarðar á stórhátíðsdögum og sérstökum frídögum pr. klst. kr. 12.000.

Lágmarkstími útkalls er 4 klst.

Festargjald fyrir hverja afgreiðslu með einum manni er kr. 16.000. Séu notaðir fleiri en einn maður er gjald fyrir hvern aukamann kr. 16.000.

Festargjald í yfirvinnu er kr. 24.000.

Festargjald á stórhátíðisdögum er kr. 60.000.

VIII. Þjónusta dráttarbáts

14. gr.

1. Skip á leið inn til hafnar eða út sem nýtur aðstoðar hafnsögumanna greiðir pr. klst. kr. 50.000 fyrir hafnsögubát hafnarinnar.
2. Fyrir aðstoð utan hafnar og verkefni, önnur en björgunaraðgerðir skal greiða pr. klst. kr. 65.000 miðað við að 2 séu í áhöfn dráttarbáts. Tímagjald reiknast frá því lagt er úr höfn og þar til komið er til heimahafnar aftur.
3. Fyrir björgun eða aðstoð við skip og báta samkvæmt samningi LÍÚ og tryggingarfélaganna.
4. Gjaldskráin gildir fyrir bátinn með áhöfn. 20% álag greiðist á alla taxa á yfirvinnutíma og um helgar og 100% ef unnið er á stórhátíðardögum og sérstökum frídögum.
5. Lágmarkstími fyrir aðstoð er 1 klst fyrir hafnsögubát en 4 klst pr. mann í áhöfn.

IX. Vatns-, rafmagns- og löndunarkranagjöld

15. gr.

1. Vatnsgjöld: Kalt vatn kr/m³ kr. 265.
2. Heitt vatn kr/m³ kr. 600.
3. Kalt vatn smábáta pr. löndun kr.133.
4. Rafmagnssala: Rafmagnsnotkun kr/kwst kr.16,50.
5. Rafmagnsmælaskilagjald kr./mælir kr. 30.000.
6. Tengigjald 16 amper kr. 2.000.
7. Tengigjald dagvinna kr. 2.000.
8. Yfirvinnuútkall hafnarvarðar pr. klst. kr. 6.000.
9. Tímakaup hafnarvarðar á stórhátíðsdögum og sérstökum frídögum pr. klst. kr. 12.000.

10. Lágmarkstími útkalls er 4 klst.
11. Löndunarkranagjald 0,1 – 2.000 kg. / löndun kr. 690.
12. Löndunarkrani: Tonnagjald 2.000 kg. og yfir, pr. tonn kr. 344.

X. Vogargjöld

16. gr.

1. Almenn vigtun kr. pr. tonn kr 200.
2. Skráningargjald fyrir skráningu í Gaflinn pr. tonn kr. 95.
3. Skráningargjald í Gaflinn bræðslufiskur pr. tonn kr. 17.
4. Lægsta gjald fyrir einstaka vigtun pr. tonn kr. 1.000.
5. Vigtar- og skráningargjald Fiskmarkað pr. tonn kr. 220.
6. Yfirvinnuútkall eftir kl.17 og um helgar pr. klst. kr. 6.000.
7. Ef óskað er eftir viktun á stórhátíðardögum eða sérstökum frídögum er gjald pr. klst. kr. 12.000.
8. Lágmarkstími útkalls er 4 klst.

XI. Sorphirðugjöld. vegna úrgangs, skólps mengandi efna og farmleifa frá skipum

17. gr.

1. Skip minni en 10 BT kr./mán. 603.
2. Skip 10 – 100 BT kr./mán. 2.600.
3. Skip 100-200 BT kr./mán. 5.030.
4. Skip stærri en 200 BT samtals 200 kg í einingu á 37 kr./ kg. Samtals kr./ein. 7.000.
5. Hámarksfjöldi eininga er 5 á mánuði.
6. Þrátt fyrir ákvæði um einingar hér að ofan er heimilt að vigta sorp frá skipi og haga gjaldtöku samkvæmt vigt séu veiðarfæri og annað sem ekki getur talist venjulegt sorp frá skipi sett í gámana.

Vegna skipa sem falla undir grein 11 c. í lögum um varnir gegn mengun hafs og stranda nr. 33 frá 2004 skulu skip greiða eftirfarandi:

- a) Úrgangsgjald: Við komu skips til hafna skal skip greiða 0,85 kr. á brt. Gjald þetta er til þess að standa undir eftirliti og umsýslu hafnar vegna móttöku á sorpi. Lágmarksgjald samkvæmt þessum lið er kr. 6.000 og hámarksgjald kr. 50.000.
- b) Úrgangsgjald: Gjald skv. staflíð a) má lækka ef umhverfisstjórnun, hönnun, búnaður og starfræksla skips er með þeim hætti að skipstjóri geti sýnt fram á að minni úrgangur verði til um borð. Fast gjald verður þá 0,40 kr. á brt. Lágmarksgjald samkvæmt þessum lið er kr. 5.500 og hámarksgjald kr. 25.000.
- c) Úrgangsgjald: Skip og bátar sem koma oftast en fjórum sinnum til hafnar á almanaksárinu greiða samkvæmt b. lið fyrir fimmtu komu og komur eftir það.
- d) Úrgangsgjald: Skip og bátar sem eru undir 60 metrar að lengd, eru ekki hafnsöguskyld og hafa varanlega viðveru í Grindavíkurhöfn skulu greiða fast mánaðargjald vegna eftirlits og umsýslu hafnar vegna móttöku á sorpi. Mánaðargjaldið skal vera kr. 6.000 á mánuði.
- e) Förgunargjald: Óski skipstjóri eða eigandi skips eftir að tekið verði á móti úrgangi frá skipinu skal hann hafa samband við viðurkenndan móttökuaðila skv. ábendingu hafnarinnar eða óska eftir því að höfnin annist móttöku á úrganginum. Lágmarksgjald hafnar fyrir móttöku á úrgangi er kr. 12.000 á hvern rúmmetra og lágmarksgjald einn rúmmetra. Kjósi skipstjóri eða eigandi skips að óska eftir þjónustu viðurkennds aðila þá greiðir hann kostnað við þá þjónustu. Skipstjóri og/eða eigandi skips ber ábyrgð á að útfylltu eyðublaði um magn og tegund sorps sé skilað til hafnarinnar, en misbrestur á því getur leitt til tilkynningar til Umhverfisstofnunar.
- f) Förgunargjald: Skip sem undanþegin eru gjaldskyldu skv. 1. tl. 2. mgr. 17. gr. hafnalaga skulu eftir sem áður greiða fyrir losun sorps og förgun þess, sbr. 1. 17 málsgrein gjaldskrárinnar. (liðir 1- 6).
- g) Skipstjóri eða eigandi skips sem fengið hefur undanþágu frá Umhverfisstofnun um skil á sorpi eða tilkynningum skv. 2. og 3. gr. gjaldskrár þessarar skal framvísa gildri staðfestingu þess efnis.

XII. Leiga á malarplönum bundnu slitlagi og hafnarþekju

18. gr.

Malarplön og bundið slitlag og hafnarþekjur:

Gámar, veiðarfæri, kör, bátar, kerrur og annað sem nýtir malarplön og hafnarþekjur eða svæði með bundnu slitlagi til lengri eða skemmri tíma skal greiða kr. 100 pr. m² á mánuði á viðkomandi malarsvæði. Geymsla á svæðum með bundnu slitlagi kr. 200 pr. m² á mánuði. Geymsla á þekjum 600 pr. m² Lágmarksgjald samsvarar 20 m².

XIII. Um innheimtu og greiðslu hafnargjalda

19. gr.

Hafnarstjóri sér um innheimtu allra hafnargjalda. Séu gjöldin ekki greidd á réttum gjalddögum er heimilt að reikna hæstu lögleyfðu dráttarvexti á skuldina.

20. gr.

Skipstjóri og eigandi skips bera ábyrgð á greiðslu gjalda þeirra sem greiða ber til Grindavíkurhafnar vegna skipsins. Er skipstjóra skylt við komu til hafnar að gefa hafnarstjóra upplýsingar um skipið í samræmi við ákvæði 5. mgr. 33. gr. reglugerðar nr. 326/2004 um hafnamál og afhenda hafnarstjóra þjóðernis- og skrásetningarskírteini skipsins, ef hafnarstjóri krefst þess vegna ófullnægjandi upplýsinga frá skipstjóra, og hefur hafnarsjóður haldsrétt yfir skírteinunum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda áfallinna gjalda. Áfallin gjöld skal greiða áður en skip fer burt úr höfninni og enginn skipstjóri getur vænst þess að fá afgreiðslu fyrir skip sitt hjá sýslumanni eða tollstjóra, nema hann sanni með vottorði frá hafnarstjóra að hann hafi greitt öll gjöld sín til hafnarinnar.

21. gr.

Vörugjald greiðist af öllum vörum sem eru affermdar, afhentar eða fluttar, eða á annan hátt sjóleiðis enda landleiðina, inn fyrir mörk hafnarinnar. Vörugjaldið reiknast skipi til skuldar áður en skip hefur siglingu, nema annað sé sérstaklega um samið.

Vörugjald er á ábyrgð farmflytjanda og er afhending vörur án greiðslu vörugjalds á hans ábyrgð.

Ef vörur eru fluttar úr einu skipi í annað greiðir sá vörugjaldið sem affermir.

Vörugjald af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar á skip. Skipstjóra og afgreiðslumanni skips er óheimilt að afhenda vörurnar fyrr en gjaldið er greitt.

22. gr.

Öll gjöld samkvæmt gjaldskrá þessari má ávallt tryggja með aðför að undangengnum dómi.

Skipagjöldin eru tryggð með lögveði í viðkomandi skipi eða váttryggingarfé. Gengur það veð í tvö ár fyrir sammingsveðskuldum sbr. ákvæði 2. mgr. 21. gr. hafnalaga nr. 61/2003. Grindavíkurhöfn er heimilt að krefjast frekari trygginga fyrir greiðslu áfallinna gjalda ef ástæða þykir til.

23. gr.

Öll gjöld í gjaldskrá þessari eru án virðisaukaskatts. Grindavíkurhöfn er skylt að innheimta virðisaukaskatt af öllum gjöldum í gjaldskrá þessari, sbr. 3. tl. 3. gr. laga nr. 50/1988 um virðisaukaskatt.

Undanskilin eru erlend fiskiskip og farskip er sigla til útlanda.

XIV. Gildistaka

24. gr.

Gjaldskrá þessi fyrir Grindavíkurhöfn er samþykkt af hafnarstjórn þann 16. október 2017 skv. hafnalögum nr. 61/2003 og 37. gr. reglugerðar um hafnamál nr. 326/2004 og staðfest af bæjarstjórn 27. febrúar 2018.

Gjaldskráin tekur gildi þann 27. febrúar 2018 og birtist til eftirbreytni öllum þeim, sem hlut eiga að máli.

Grindavík 27. febrúar 2018
Sigurður A. Kristmundsson
Hafnarstjóri